



Amatersko pozorište „Neretva“ Konjic

Varda bb, 88400 Konjic; tel: +38736726590; fax: +38736735340;
e-mail: nperetva@bih.net.ba; ID: 4227341990008; ž.r. 1020080000096631



Broj: 92/22

Konjic, 24.10.2022. godine

PREDMET: Poziv za prijavu na Festival

Amatersko pozorište NERETVA Konjic je već dvadeset i jednu godinu organizator jednog od najznačajnijih događaja kulturno-obrazovnog karaktera na državnom nivou, FSDS (Festival Srednjoškolskog Dramskog Stvaralaštva).

Kroz učešće na 20 Festivala je prošlo:

124 škole

53 grada

6877 učesnika

397 predstava

34 profesionalna pozorišna djelatnika (članovi Stručnog žirija i voditelji dramskih radionica).

23 – 30.04.2023. godine u Konjicu će se održati **21. Festival Srednjoškolskog Dramskog Stvaralaštva Bosne i Hercegovine**. Pravo učešća na Festivalu imaju sve dramske i pozorišne grupe srednjoškolskog uzrasta iz Bosne i Hercegovine. Dakle, svaki učesnik na sceni (glumci, horovi, plesne grupe, muzičari) moraju biti godišta predviđenog za srednju školu. Poželjno je da i prateće sekcije (izrada scenografije, muzika, rasvjeta, kostimi, šminka i dr.) budu sastavljene od učenika srednjih škola. Pozorišna predstava ne smije trajati kraće od 30 minuta. Maksimalna dužina predstave nije određena. Ukoliko izvođač i/ili matični teatar odustane ili izostane bez opravdanog razloga, gube pravo učešća na Festivalu naredne dvije godine.

Festival će trajati osam dana. Poslije svake završene festivalske večeri stručni žiri će voditi okrugli sto o svakoj predstavi pojedinačno u kojoj će učestvovati i ostali učesnici Festivala. Vođe grupa i akteri pozorišnih predstava su obavezni prisustvati okruglom stolu, radi učešća u interaktivnom razgovoru sa članovima žirija. Svi učesnici Festivala koji gostuju u tom danu obavezni su prisustvovati svim pozorišnim predstavama i radionicama koje se taj dan odigravaju. U protivnom izvođač i/ili matični teatar gube pravo učešća na Festivalu naredne godine.

Festivalski žiri će biti sastavljen od reditelja, teatrologa, dramaturga, pozorišnih glumaca ili književnika usko vezanih za dramski odgoj.

Po propozicijama Festivala Stručni žiri će donijeti odluku o dodjeli nagrada, i to:

1. u kategoriji školskih pozorišnih grupa i
2. u kategoriji pozorišta,

za: najbolju predstavu, glumu, kostim, scenografiju, kolektivnu igru, režiju, muziku, scenska svjetla, nagradu publike.

Sva prava izmjene i dopune pomenutih pravila zadržava organizator.

Organizator Festivala učesnicima obezbjeđuje dva obroka, a za grupe koje su udaljene preko 150 kilometara, obezbjeđujemo i hotelski smještaj sa doručkom. Ove troškove snosi Amatersko pozorište „Neretva“ Konjic.

U prilogu Vam dostavljamo prijavu za Festival koju ćete dostaviti najkasnije do 28.02.2023. godine isključivo na adresu Amaterskog pozorišta „Neretva“ Konjic. Organizacioni odbor 21. FSDS BiH će vam do 15.03. dostaviti program Festivala.

Molimo Vas da podaci navedeni u prijavi budu tačni, radi administrativne pripreme za Festival.

PREDSJEDNIK OO

Ena Osmanović